



DEO OPTIMO MAXIMO,

VIRGINI DEI-PARÆ,

ET S. LUCE, MEDICORUM ORTHODOXORUM PATRONO.

QUÆSTIO MEDICA*,

CARDINALITIIS DISPUTATIONIBUS

*manè discutienda in Scholis Medicorum, die Jovis vigesima-sexta
mensis Martii, anno Domini M. DCC. LXXXIX.*

M. JOANNE DESCOMET, Doctore Medico, Præfide.

An casti rariùs ægrotent, faciliùs curentur?

I.

QUAM imperiosa præjudiciorum potestas! Adulatrix Poëtarum cohors Cupidinem sinxerat Deum, ut ipsi Heroës ab eo vinci non erubescerent. Hinc sinceris natum felicitatibus genus humanum voluptati addictum se putavit, suæque nunc quisquis trahi amat. Hic naturæ parendum esse stolidè existimat, ille per Veneris illecebras ad sanitatem ire contendit. Sed Venus dux malorum,

* Auctore M. JOANNE-BAPTISTA-LUDOVICO CHOMEL, anno 1735.

sceleris artifex, modi ferè nescia, rationis usum spoliat, luxuriam inducit, Populos, Imperia, superbissimas devastat gentes; irrepit blandè & affigit humi divinæ particulam auræ. Beatus ille qui intelligit quàm sit turpe dissuere luxuriâ, delicatè ac molliter vivere; quàm honesta, quàm utilis sobrietas & continentia. Teste cœlo vivens, virtutem apprimè colit & servat; sublimiori lumine doctus, in umbrâ voluptatis illicitæ ludere horret, ne veram amittat. Sed si virtutis amor, si rectè facti conscia mens animum non allicit; caveas prudens ne libidini obtemperans, Veneri nimis indulgeas, & negligâ salute propriâ, liquorem viscidum miserè profundas, qui in sanguinem resorptus utiliora longè proluisset: tunc enim rarior est morbus, aut, si accidat, faciliùs curatur.

I I.

A MOREM truculentum morbi genus non immeritò dixeris. Illo sæviante, in alieno corpore vivit amans, in proprio ferè mortuus est. Dii boni, quid hoc morbi est! Adeò ne hominem ex eo immutari, ut non cognoscas eundem esse! Quæ ars tanto ab gendo malo interviert? Ars cerè Medica, Ars sine quâ cœteræ vilesceant, Ars omnium præstantior quæ temperamentorum naturam edocta, animi pathematum perturbationes reducit & instaurat; quæ alimentorum qualitates, salutiferas medicamentorum virtutes, Artis gymnasticæ modos decernens, acuit ingenium, corpori sanitatem inducit, blandam morum integritatem confirmat; probitati, virtuti, religioni opportunè ancillans, libidinis retrahat impetus. Præca gens mortalium animi dotibus eximia, corporis robore spectabilis, à diçerâ lætos innocuâ ferie exhauriebat diès; citò quippè spumat in libidinem venter alimentis fervidioribus æstuans. Humores nimio inflammati pabulo, si roces vix componunt motus; hinc luxur lasciviæ parens, sanitatis inimicam incendit libidinem; plenus labe omnia invadit; multos enim morbos multa fecerunt tercula. Quæ virtus è contrâ foret & quanta bonis vivere parvos! Inò salubri labore victum condire prudenter, exuperantes succos vacuare, corruptos emendare, mentem erigere, vitia comprimere. Commendet igitur cibos fames, sitim potus exstinguat. Quidquid naturam excedit, naturæ nocet; succi plenos de suisotus amor sequitur; corpori indulgendum, non serviendum; duius tractanda caro, ne animo malè pareat.

I I I.

CASTITAS Veneris æstu lubens timere nescia, pro triplici hominum statu triplex est, vel in virginibus, vel in orbatis, vel in uxoratis; tua est quippe in connubiis castitas apprimè servanda, quâ debito conjugali sobrietate quis uxoratus impenditur, ne vires animi & corporis labefactando, liberorum debite procreationi, sanitatis tutelæ, innumerisque & immentis connubiî muneribus exequendis fiat prorsus impar. Maxima tanè & præstantissima Virginum castitas quæ non nocens ea à quibus postea optaret liberari, florem integrum corporis & ingenii conservat. Quæ fructum non ferunt arbores, virescunt lætius, ramos expandunt latius, altius assurgunt; dum sæcunda pyrus malusque terax gibbum curvum foediorque obductum libro truncum gestant: virginitalis dicas sterilitatem pulchritudine, longævâ sanitate, robore compensari. Venus quietis inimica rosas pollicetur, sed latentes in illius speluncâ leguntur spinæ. Dum sanguinis probissimi spuma, cerebri spinalisque medullæ effluvium semen exit, spiritibus unâ dissipantur, sensus infirmantur, ingenium vix sui compos contrit-

ratur, hebescit, debilitantur articuli; laxum fractumque corpus vix sustinet miser homo; vivido suo nitore spoliatur lumina, obscuroque intumescunt circulo. Ità Venus epilepsia est brevis, adolescentibus incrementum remoratur; generi nervoso infensa, viris senium maturat, senibusque mortem. Nec satis: insaniens libido ea dissipat auxilia quibus conamina morborum validiori conamine Natura superat. At quantum roboris suppeditebit provida castitas! Si semen in arva naturæ spirantia projectum omnia vivificat, nonne illius in sanguinem regressi beneficio stabit diutius machina vegetior? Nonne validior factus sanguis insensilem adaugebit perspirationem, variarumque anni tempestatum impetus obtundet? Nonne feminis virtus per artus refusa, vigorem illum conciliabit cuius ope vesani morborum assultus præcavebuntur, sanguis cum utilitate profundetur, cuius ope, diæta, & medicamentorum salutiferos effectus cum foenore percipiant ægrotantes? Adèò patet castitatis salubris utilitas sanitatis hostes fugatura!

I V.

QUANTI ergò fugax emitur voluptas! Proh hominum cecitatem! Libidinis insaniam explentes, sanitati contulere jactitant. At in renibus neplriticum affectum, in stomacho cruditatem, in cerebro catharrum, in corde palpitacionem & syncopein producit aphrodisis... Sub dulci melle impia latent venæ. Ex universo corpore producit semen, effuso semine corpus universum languebit. Castitas igitur pulchra conditio, vitale bonum quo non est in terris optabilius quidquam, sanitatem roborans servat & sustinet, morborum assultus ludit & ex semine refluo vires depronit præcipuas. Errant qui semen cum in corpore ebundat corruptioni obnoxium esse autumant: nonne sanguinis pars subtilior per subiles vasorum mæandros permeare apta est? Actuosissimum est semen, ingurgitati nescit, per peculiaris vasa vehitur, per propria redit. Si virgines hysterics affectibus torquentur, si sædantur colores purpurei; plus morbus melancholicus, plus parentum morositas, vel tædii & otii plena vivendi ratio mali avertit quàm Veneris ignotæ abstinencia. Febrem ipsammet cronicam non curat aphrodisis; non sanat qui vulnerat; ignem non sedat qui incendit; erethismus non laxatur ab iis quæ spasmodum, ardorem, tinguinem longè lateque inferunt. Sed experientiam testem appellemus, salaciora animalia parum vivunt. Videamus validissimos & satis robustos adolescentes tanto silencio, & spirituum effusione Veneris ita illecebris, ut ad miserum statum celeriter deducantur. Calvos & porrigine scædes adiciunt cætaris fraudulenter adornat, alvus stringitur, tument hæmorrhoides, crura franguntur, podagra incurvat, ardet satyriasis, innumerisque aliis (ut taceamus horrenda furibundæ Veneris flagella) morborum deliramentis expoluntur.

V.

ET sunt homines adèò molles & lascivi, ut tot sævis affectibus premi non curent, tot cruciatibus lacerari contemnunt, sanitatem postponent libidini! Quævis delectamenti venerei mica mille ægritudinibus rependitur. Faceffant igitur inepti agyrtæ qui sanitatis gratià scortari suadentes, libidinem pro scientiâ auscultant. Sanari pigeat ubi turpis est medicina! Imò ad corporis conservacionem nulla adest Veneri necessitas. Nullius morbi causa esse potest Veneris abstinencia: velci citrà saturitatem, impigrum esse ad laborem, vitale semen servare tria esse saluberrima apud omnes in confesso erit. Quò major erit voluptas;

tantò sanitati detrahetur magis. Quò plus scintillabit ignis, eò citius marcescet. Longior huic corpusculo prorogari potest mora, si voluptates quibus pars hominum major perit, regere & coercere poterimus. Venere tamen utantur qui debitum conjugale reddere tenentur & liberis dant operam, sed moderatè & castè. Hinc nesciores ad annos pervenire, sanitate longævâ frui liquebit. Hinc secura voluptas, dulcedo non fallax.

Ergò casti rariùs ægrotant, faciliùs curantur.

Proponēbat Parisiis, JOANNES-AUGUSTUS BESNARD, Andegavensis,
Doctōr Medicus in Universitatē Andegavensi, Saluberr. Facultatis Medicinæ
Parisiensis Baccalaureus. A. R. S. H. 1789.

AB OCTAVA AD MERIDIEM.